

საქართველოს პარლამენტის თავმჯდომარეს,

ბ-ნ შალვა პაპუაშვილს

მოქალაქე: მიხეილ სახვაძის

პირადი ნომერი: [REDACTED]

მცხოვრები: [REDACTED]

[REDACTED]

ტელ: [REDACTED]

გ ა ნ ც ხ ა დ ე ბ ა

მოგესალმებით დიდი პატივისცემითა და თანამშრომლობის იმედით და გაგაცნობთ ჩემს ინიციატივას, თხოვნას, სურვილს, ოცნებას...

გთხოვთ, განიხილოთ საქართველოს ერთი რიგითი მოქალაქის ინიციატივა, რომელიც ჩვენს ქვეყანაში **ბუბიის დღის ოფიციალურად დაწესებას გულისხმობს.**

აქვე ორიოდ სიტყვით მოგახსენებთ ჩემ შესახებ: გახლავართ დაოჯახებული. მყავს მეუღლე და 10 და 7 წლის ვაჟები. ამჟამად ვმუშაობ ტელეკომპანია „პოსტივიში“ სცენარისტად. ასევე, ვარ საავტორო რუბრიკა „მამების დროს“ თანაავტორი და თანაწამყვანი, რომელიც მამებისა და შვილების განსაკუთრებულ ურთიერთობებს ეხება. გარდა ამისა, დასაქმებული ვარ ქართულ-შვეიცარიულ კომპანია „ბლაუნშტაინ საქართველოში“, სადაც მარკეტინგის განყოფილების ხელმძღვანელის თანამდებობას ვიკავებ.

რაც შეეხება ინიციატივას, ბუბიის დღის ისტორიის შესახებ ქვემოთ ვრცლად მოგახსენებთ, თუმცა მანამდე განგიმარტავთ, როგორ წარმოიშვა ამ დღის საქართველოში დაწესება:

პირველ რიგში, თავიდან რომ ავიცილოთ ნებისმიერი გაუგებრობა და მითქმა-მოთქმა, ვფიქრობ, **ბუბიის დღის დაწესებისთვის საუკეთესო თარიღი გახლავთ 17 სექტემბერი** და აი, რატომ:

1. 1906 წლის 17 სექტემბერს არის დაბადებული გენიალური ქართველი მსახიობი სესილია თაყაიშვილი;

2. დამეთანხმებით, სწორედ სესილია თაყაიშვილმა შექმნა ქართულ კინოში ბუბიის დაუვიწყარი სახეები: „მე, ბუბია, ილიკო და ილარიონში“ - ოლღა ბუბია, „ნატვრის ხეში“ - მარადია;

3. ბუბია და ბარაქიანი შემოდგომა, რთველი, ჩურჩხელა, თათარა, ფელამუში - ეს ყველაფერი ჩვენს ქვეყანაში ერთმანეთთან მჭიდროდ არის დაკავშირებული.

საქართველოს პარლამენტის აპარატი
საქმისწარმოების დეპარტამენტი
შემოს. № 1-5883/22
16.05.2022 წ. ფურს 2

ახლა რაც შეეხება ბებუის დღის ისტორიას მსოფლიოს სხვადასხვა ქვეყანაში:

ეს არის დღესასწაული, რომელიც მსოფლიოს არაერთ ქვეყანაში აღინიშნება, მათ შორის, უმეტესად ოფიციალურ დონეზე, წელიწადის სხვადასხვა დროსა და დღეს, ზოგ შემთხვევაში - მხოლოდ ბებუის, ზოგან - ბებუისა და ბაბუის (პაპის) დღე.

პირველად მსოფლიოში ბებუის დღე პოლონეთში აღინიშნა - 1964 წელს.

შემდეგ უკვე ეს დღე აშშ-ს უკავშირდება - 1978 წლიდან დღესასწაულმა ეროვნული ხასიათი მიიღო.

აშშ-ის მაშინდელი პრეზიდენტის, ჯიმი კარტერის მიერ ხელმოწერილ სტატუტში დღესასწაულის მიზანი შემდეგნაირად არის განმარტებული: „პატივი მივაგოთ ბებუებსა და ბაბუებს; მივცეთ ბებუებსა და ბაბუებს შესაძლებლობა, გამოავლინონ სიყვარული თავიანთი შვილების მიმართ და დავეხმაროთ შვილებს, გაიზიარონ ხანდაზმულთა ძალა, ინფორმაცია მათ შესახებ, გამოცდილება“...

ბებუისა და ბაბუის დღეს ყველა ქვეყანაში ერთმანეთის მსგავსი 3 მიზანი აქვს:

- ბებუებისა და ბაბუებისთვის პატივის მიცემა;
- მივცეთ ბებუებსა და ბაბუებს შესაძლებლობა, გამოავლინონ სიყვარული თავიანთი შვილების მიმართ
- შეძლონ შვილებმა და შვილიშვილებმა, გაიზიარონ ხანდაზმულთა ძალა, ინფორმაცია მათ შესახებ და ასევე, გამოცდილება“...

დღეის მდგომარეობით, ბებუისა და ბაბუის დღე მსოფლიოს 40-ზე მეტ ქვეყანაში აღინიშნება. უფრო მეტიც, საფრანგეთსა და არგენტინაში წლის მანძილზე ბებუებისა და ბაბუების დღე სამჯერ აღინიშნება, სადაც კალენდარზე მონიშნულია ცალკე ბებუის, ცალკე - ბაბუისა და მესამედ უკვე ერთად - ბებუისა და ბაბუის დღეები.

- საფრანგეთში აღინიშნება 1987 წლიდან, ყოველი წლის 7 მარტს (ბებუის დღე);
- პოლონეთში 1964 წლიდან - 21 იანვარს (ბებუის დღე);
- ავსტრალიაში 2010 წლიდან ოქტომბრის ბოლო კვირა დღეს (ბებუა-ბაბუის დღე);
- იტალია - 2 ოქტომბერი (ბებუის დღე)

ასევე აღინიშნავენ: კანადაში, დიდ ბრიტანეთში, გერმანიაში, პუერტო-რიკოში, ესტონეთში, ახალ ზელანდიაში, სამხრეთ აფრიკაში და ასე შემდეგ და ასე შემდეგ...

ნებისმიერი კითხვის შემთხვევაში, მზად ვარ თანამშრომლობისთვის. ასევე, მზად ვარ, ვიზრუნო ხელმოწერების შეგროვებაზე, თუკი ასეთი საჭიროება დღის წესრიგში დადგება.

პატივისცემითა და თანამშრომლობის დიდი იმედით - მიხეილ სახვაძე.

განმცხადებელი: მიხეილ სახვაძე

თარიღი: 16.05.2022